

LIII.

DISPUTATIO JURIDICA INAUGURALIS
DE

CONCURSU ACTIONUM,

Quam

DIVINA FAVENTE GRATIA

EX DECRETO ET AUTORITATE

Magnifici atque Nobilissimi JCtorum

Ordinis in Illustri Salana,

PRÆSIDE

VIRO

NOBILISSIMO, AMPLISSIMO, CONSULTISSIMO ET EX-
CELLENTISSIMO,

DN. JOH. VOLK. *Bechmann*/

JCto & Antecessore hujus Academiae longè ce-
leberrimo, Consiliario Saxonico, Curiae Provincialis,
Facultatis Juridicae & Scabinatus Assessore gravissimo,
h. t. Decano spectatissimo,

Dn. Præceptore ac Promotore suo devenerando,

PRO LICENTIA

Summos in Utroque Jure Honores ac Privilegia Docto-
ralia ritè ac legitimè capeffendi,

Publico & solenni Examini subjicit

Friederich Andreas Eggeling /

CELLENSIS.

In Auditorio JCtorum

- Ad d. XXIX. Aug.

Horis ante- & pomeridianis.

VENÆ,

Typis JOHANNIS NISII, ANNO M. DC. LXII.

DR. J. J. H. VAN DER WERF

CONCERNING

ACTION

CHURCH

OF THE

DIocese of

AGRICULTURE

DI. J. J. H. VAN DER WERF

OF THE

DIocese of

AGRICULTURE

OF THE

DI. J. J. H. VAN DER WERF

OF THE

DI. J. J. H. VAN DER WERF

OF THE

DI. J. J. H. VAN DER WERF

OF THE

DI. J. J. H. VAN DER WERF



SERENISSIMO AC CELSISSIMO

PRINCIPI AC DOMINO,

DN.

CHRISTIANO

LUDOVICO,

DUCI BRUNSVICENSIVM

AC LUNEBURGENSIVM,

DOMINO MEQ. CLEMENTISSIMO,



Vod sub Augustissi-

mo Nomine Tuo, SERE-
NISSIME PRINCEPS, exiguas

hasce pagellas publicare &
in lucem emittere ausus

A 2

fue-

fuerim, ne velit SERENISS. CELSIT. T.
de isthoc conatu meo inclementius o-
pinari. Ipsa enim me iussit naturalis
obligatio ac summa civium subjectio,
quam civis debeo. Svasit quoque insi-
gnis ac plane singularis SERENISS. CEL-
SIT. T. Benignitas atque Clementia, qua
inter cæteras virtutes Heroicas supra
sortem mortalium elata, hæcenus o-
mnes eos summa cum laude profecuta
est, qui in studiis operæ aliquid posuere,
ut Reipubl. aliquando sint utiles. Imo
multo maxime audacior me reddi-
derunt innumera beneficia, quibus bea-
tus Parens meus per dimidium ferme
seculum à tota SERENISSIMA Domo
Brunsv. & Luneburg. imprimis vero à
Tua SERENISS. CELSITU D. clementer
affectus est. Nec enim illa patiuntur
etiam hac ætate me immemorem aut
ingratum isthæc silere, sed protrudunt,
quasi

quasi in publicani confessionem. Su-
scipe igitur CELSISSIME PRINCEPS hoc
qualecunq; specimen devotissimi sub-
diti, vultu Serenissimo, aspice animum,
neglecto operis valore, ad exemplum
Persarum Regis Artaxerxis, qui tanta
morum facilitate & liberalitate, in eos-
que quibus ipse daret, & à quibus acci-
peret beneficia, humanitate & benevo-
lentia fuit, ut nullum adeo parvum &
contemptum ad illum allatum sit mu-
nus, quin id prompto animo & Clemen-
tia Rege digna acceperit. Fateor equi-
dem hanc Disputationem Te tanto
Principe esse indignam, verum magni-
tudo insignis Tuæ Clementiæ erga o-
mnes litterarum cultores, facile illius
tenuitatem sublevabit, qua ut me quo-
que, meaque studia, quæ SERENISS. Do-
mui Brunsv. & Luneburg. jam diu con-
secravi, Clementissime prosequi digne-

tur, quanta possum animi subjectione
oro & obtestor. Deus Te, SERENISSIME
PRINCEPS, cum tota SERENISS. Familia,
patriæ bono diutissime servet & peren-
nem atque inconcussam VOBIS præstet
felicitatem. Hoc precor, hoc voveo ex
Indyta Academia Salana. XIV. Ka-
lend. Septenib. Anno c1313 c LXII.

SERENISSIMÆ CELSITU-
DINIS TUAÆ


Subjectissimus & Obsequentiissimus

Friederich Andreas Eggelingk.

AUSPICE CHRISTO.

DISPUTATIONIS INAUGURALIS DE CONCURSU ACTIONUM

THESIS I.



Nullus sane Jurisprudentiæ nostræ major potest esse usus, quam qui in actionibus, ipsaq; actionum materia consistit. Etsi enim omne jus, quod vel ad personas vel ad res pertinet *§. ult. J. de jur. nat. gent. & civil. l. i. ff. de stat. hom.* assequamur, parum proderit, nisi & acquirendi rationem, quæ actionibus maxime computatur, habeamus, quia in illis continetur quasi executio quædam omnium superiorum, & per eas ad finem juris, qui est suum cuique tribuere, pervenitur. Nam si quis ultro & bona cum gratia suum consequi non potest, (ut fere per hominum improbitatem & avaritiam non possumus) nulla est alia via, nulla ratio, qua ad id perveniat, quam per actiones & judicia, quæ proinde in invicem reddi dicuntur *l. 83. §. i. ff. de R. O.*

II.

Cum igitur tota actionum materia plane sit aurea, eminet in illa, tanquam pretiosissima gemma in auro aspera; sed longe utilissima de Concursu Actionum materia, quam Hotoman. *quest. illust. 29.* arduam, multipli-

cent

cem & confragosam vocat, imo omnes, qui materiei nostrae mentionem modo faciunt, statim de difficultate ipsius aliquid addunt & conqueruntur, quippe cum diffusa sit per totum Jus Civile, omnium legalium difficultatum controversiarumque copiosissimus hic est concursus, ideoque merito inter omnes alios juris tractatus facile principem locum obtinere potest. Hunc itaque spatiosissimum campum & intricatam disputandi materiam, ad quam *Bachovius* non nisi subtiles requirit cogitationes, ingredi non dubitavi, non quasi omnes tot & tantas huc pertinentes controversias pro earum dignitate exponere mihi esset propositum, sed sufficere pro ratione instituti nostri putavi, si praecipuas de Concursu Actionum controversias & quaestiones earumque fundamenta breviter pro ingenii viribus ostenderem, & ad disputandum, more recepto, proponerem. Priusquam autem ad ipsam materiam accedam, quaedam dicenda erunt de vocabulis hujus Disputationis.

III.

Facile autem apparet vocabulum concurrere esse generale, quod non solum actionibus, verum etiam personis & rebus tribuitur. Sic concurrere dicuntur creditores circa unum debitorem *l. 7. ff. qui potior. in pign. & concursu* partes fieri dicuntur in legatis, cum testator duobus pluribusve legatariis rem eandem ita legavit, ut illis non distincte ac separatim partes certas attribueret, sed potius rem solidam relinquere videretur *l. 80. de legat. 3.* Res vero concurrere dicuntur *§. 6. §. de legat. §. ult. §. si quadrup. paup. fec. dic. l. 32. l. 34. l. 41. §. 1. l. 53. ff. de O. & A. l. 2. ff. de privat. delict.* quas acceptiones autem hic non curamus, sed solum eam, quae est de Actionibus

l. 34. l. 60. ff. de O. & A. Actionis autem vocabulum latissime patet, adeo ut comprehendat tam civiles, quam criminales actiones *l. unic. C. quando civil. act. crim. praed. jud.* late vero sumpta actio, dicitur tantum de civilibus *l. 37. ff. de O. & A.* quam significationem & nos hic intelligimus, quamvis non sit alienum à nostro instituto, ostendere, quomodo actio civilis & criminalis concurrere possit, qua de re inferius. In lata significatione itaque definiri solet; quod sit jus prosequendi in iudicio, quod sibi debetur *§. 1. l. de action. l. 31. l. ff. de O. & A.* qua definitione excludantur exceptiones, quas etiam nos ab hac materia removemus. Exceptio enim est actionis exclusio *l. 2. l. 22. ff. de except.* qua nihil perimus, sed tantum nos defendimus, & propterea exceptiones dantur reis, non ut persequantur, sed ut se contra actores defendant. Et quamvis quædam exceptiones se instar actionum habeant, quia per modum actionis institui possunt, nequaquam tamen sunt actiones, cum potius per implorationem officii, quam actionis jure instituantur, quod & Paulus Jctus in *l. 8. §. 1. de V. S.* affirmat. vid. Johann. Goedd. *adh. l. n. 4. Bronchorst. cent. 4. ass. 26.* Jam vero ad rem ipsam.

IV.

Et si quidem Jure Romano certæ & distinctæ actionum sint causæ, & quælibet actio peculiarem habeat naturam *l. 6. ff. de except. rei jud. l. 5. ff. eod. l. 33. ff. de O. & A. l. 43. de R. J. l. 4. §. 2. in fin. ff. de noxal. action. l. 9. §. 1. ff. de tribut. action. l. ult. C. de furt. §. 15. vers. sed nostra. §. de oblig. qua ex del.* tamen contingere potest, ut actiones plures concurrant, sive plures, uni ad unum negotium quadam ratione spectantes, contra eundem compe-

B

tant

tant actiones. Et quamvis in juris Justiniani libris, nullus peculiaris & proprius de Concursu Actionum tractatus vel titulus inveniatur, ex diversis tamen JCtorum fragmentis satis apparet, illam juris partem de Concursu, veteribus JCtis non modo non incognitam fuisse, sed etiam Paulum JC. librum singularem de hac materia conscripisse, uti constat ex inscriptione *l. 34. ff. de O. & A. l. 88. ff. de furt.*

V.

Exigitur Concursus Actionum nihil aliud, quam enim duæ pluresve actiones, eidem actori adversus eundem reum, circa eandem rem comperunt, ex una vel diversis causis *l. 10. ff. de action. emt. l. 56. ff. de furt. l. 19. l. 29. l. 34. l. 53. ff. de O. & A. l. 9. §. 1. ff. de tribut. action. l. 25. §. 5. ff. locat. conduct. l. 21. §. 1. ff. de fidejuss. l. 13. ff. de duob. reis constit. l. 76. §. 1. ff. de furt. l. 130. de R. J.*

VI.

Diximus concurrere actiones ita, ut dentur circa eandem rem: Res, dictio, varias in jure habet significationes, nonnunquam significat negotium, materiam, questionem, ut apud Paulum JC. in *l. 38. §. 5. ff. de pæn.* interdum æquum & bonum *l. 1. §. 3. ff. ad L. Cornel. de sicar.* aliquando conditionem, quandoque pro bonis ponitur *l. 35. §. 3. ff. de hered. instit.* sæpius pro hereditate *l. 12. ff. de injust. rupt. irr. testam. l. 1. §. pen. l. 8. ff. si tabb. test null. ex tab. l. 2. §. 8. ad SCt. Tertull. l. 83. ff. de acquir. vel omitt. hered. l. 4. §. ult. ff. de fideic. libert.* nonnunquam proprietatem *l. 6. ff. de R. V.* aliquando dominium *l. 52. ff. de acquir. rer. domin.* interdum contractum *l. 1. ff. de R. C.* Item crimen *l. 13. ff. de honor. poss. pœnam l. 2. ff. de pæn.* Propter hanc varietatem misere sese torquent inter-

terpretes, in explicandis verbis: circa eandem rem, vel
 ut Gothof, Fibig. *de concurr. action. sect. 2. n. 8.* de eadem
 re, aut de eadem pecunia *l. 60. ff. de O. & A.* quam lectio-
 nem *d. l. 60.* Hotoman. *quest. illustr. 29.* corrigendam ef-
 se putat, & pro pecunia, verbum peccati substituere co-
 natur. Sed nullam inducit contrarietatem, si lectio-
 nem illam retineamus. Nam pecuniæ vocabulum tri-
 bus modis in jure accipitur: primo pro pecunia nume-
 rata, de qua sunt exempla ubivis obvia, eoque modo pec-
 uniam in venditione exigimus. Secundo pecunia eas
 duntaxat res continet, quas Paulus in *l. 2. §. 1. ff. de reb.
 cred.* in suo genere ait recipere functionem, i. e. quæ
 pondere, numero vel mensura constant, eodem modo
 & Ulpianus pecunias in hac scriptura, quas pecunias le-
 gavit, interpretatur de iis omnibus, quæ pondere, nume-
 ro, mensurave constant *l. 30. ff. de legat. 1.* Tertio re-
 fertur ad ea omnia, quæ sunt in patrimonio *l. 5. ff. de V. S.*
 siue res sint corporales siue incorporales, siue mobiles
 siue immobiles *l. 178. l. 222. ff. de V. S.* Facit huc appri-
 me Aristot, locus, *l. 4. Ethic. c. 1. in pr. pecunias appella-*
mus res eas omnes, quarum nummo æstimatio ponde-
ratur. Relicta itaque aliorum sententia, illis verbis non
 requirimus, ut eadem omnino res petatur, sed ut circa
 idem objectum, seu circa eandem rem seu factum, vel
 saltem occasione ejusdem rei & facti actiones plures
 competant. Sic circa verbera illata, duæ concurrunt
 actiones, scil. actio L. Aquiliæ, qua agitur de ipso damno,
 & actio injuriarum, qua agitur de injuria siue contume-
 lia per verbera illata *l. 34. ff. de O. & A.* Item qui homi-
 nem surripuit & occidit, quia surripuit, furti, quia occi-
 dit, Aquilia tenetur *l. 2. §. 1. ff. de privat. del. l. 27. ff. ad*

L. Aquil. Si vero circa eandem rem non competant, licet uni contra eundem, non est concursus, e. g. si quis contra eundem actionem habeat propter depositum anulum pretiosum, & ex mutuo ob credita centum, nullus hic potest dici concursus actionum, quia non versatur circa eandem rem, quod tamen necessario requiritur. vid. Dn. Struv. *Syntag. Jurispr. Exerc. 46. th. 82.*

VII.

Non solum autem sufficit esse unam eandemque rem, nisi etiam eadem sit actoris eadem rei persona, inter quas actionibus illis disceptetur. Nam si circa eandem rem quidem plures competant actiones, sed contra diversas personas, tunc non est concursus stricte ita dictus. e. g. Furtum Cajus fecit Sempronio, Titius Cajo rem istam iterum surripuit, agit dominus contra utrumque actione furti, nec tamen concurrere dicuntur actiones *l. 76. §. 1. ff. de furt.*

VIII.

Concursus verò actionum est vel Electivus, vel Cumulativus: Electivus est, quarum tantum una exercita consumit ceteras *l. 43. de R. J. l. 27. §. 11. ff. ad L. Aquil. l. 38. §. 1. l. 50. ff. pro socio. l. 14. §. 13. ff. quod metus caus. l. 25. §. 5. l. 43. ff. locat. cond. l. 34. ff. de O. & A. l. ult. C. de Codicill.* Cumulativus iterum est vel Succedaneus, quo actionum altera in iudicium deducta, altera nihilominus superest, nec per illam in iudicium deductam consumitur *l. 43. l. 45. ff. pro socio. l. 130. de R. J. §. ult. §. si quadrup. paup. fec. dic. l. 18. l. 32. l. 34. ff. de O. & A. l. 7. §. 1. ff. de condict. furtiv. l. 10. ff. de action. emt. §. 8. I. de obligat. qua ex del. nasc. vel Simultaneus, qui est actionum compatibilium in uno iudicio, simul & uno libello conjungendarum coacervata editio *l. 34. pr. ff. de O. & A. l. 1. ff. arb.**

ff. arb. furt. cas. l. 2. §. pen. ff. de priv. del. l. 5. §. 1. ff. ad L. Aquil. vid. Dn. Strauch. dissert. Justin. 23. th. 9. Gothof. Fibig. de concurs. action. sect. 3. n. 1. & seqq.

IX.

Præter illa autem quæ Hilliger adversus concursum electivum disputat, de quibus paulo post, à nonnullis etiam obijci solet, quod valde iniquum sit ullam actionem tolli per alteram, cum actor non obtinuerit, neque enim liberatur debitor, nisi satisfactione. Sed nulla subest hic iniquitas, nam cum actor non obtinet, creditur, illum non habuisse justam causam. Instant vero: Si forte actor minus idoneam elegerit actionem, hic error juris non debet ipsi nocere *l. 7. l. 8. ff. de jur. & fact. ignor.* Verum non nocet hic juris ignorantia, sed quod victus una actione secundum naturam istius actionis, lege tributam, non possit alteram instituere. Neque etiam ad rem facit *l. 32. pr. vers. sed si licet ff. de pecul.* non enim agitur ibi de actionibus hoc primo modo concurrentibus, sed plane alius casus tractatur, quando nim. si unus ex pluribus conveniatur, reliqui liberentur vel non. vid. Dn. Struv. *Syntag. jurispr. Exerc. 46. th. 90.*

X.

Simili modo & reliquæ duæ species impugnari possunt, & quidem concursus succedaneus, quod non liceat variare post electionem semel institutam *l. 5. l. 84. §. 9. ff. de legat. 1. l. 4. §. 2. ff. de L. commiss. l. 4. C. de pact. inter emi. & vend. l. fin. C. de Codicill.* Sed hoc demum verum est, ubi alterutrum eligendum, ibi enim non licet variare, hæ vero actiones, quarum altera plus, altera minus continet, habent se subordinate, ut scilicet altera extinguat alteram in eo tantum, quod jam ex altera sum con-

B 3.

secu-

secutus. Neque hæc ratio est sufficiens, quæ adversus concursum simultaneum assertur, quod oporteat esse finis litium, nec debeat processus multiplicari *l. 1. ff. de usucap. l. 6. ff. de except. rei jud.* Nam non multiplicantur lites, quando quis agit actionibus sibi iure competentibus. Parum etiam obstat *l. 1. §. 4. ff. quod legator.* quia ibi non agitur de actionibus vere simul competentibus & concurrentibus, sed de casu, quo incertum est, quænam actio competat. Denique non erit contra bonam fidem, si actiones simultanee cumulentur, & ita quasi bis idem exigatur *l. 57. de R. I. l. 26. ff. de pecul. l. 51. §. 1. ff. de re judic.* Non enim idem bis exigitur, sed actiones ejusmodi tendunt ad diversa, uti infra patebit.

XI.

Ceterum concursum electivum *Hilliger ad Donell. enucleat. l. 21. c. 3.* acriter impugnat, & ipsam vim ac potestatem vocabuli concurrere, quod non nisi de duobus vel pluribus simul concurrentibus, & quæ conjunctim habentur, prædicetur, repugnare dicit, quo minus illas actiones concurrere dicantur, ubi enim est electio, ibi non potest esse concursus, sed una actio, & quæ actiones alternatim competunt, non concurrunt. Posita enim, inquit, electione tali, negatur concursus, concursus namque plures actiones exerceri posse arguit. Verum minus recte urget vim vocabuli concurrere, cum nihil aliud inde evicerit, quam quod rō concurrere prædicetur de rebus pluribus simul concurrentibus, & quæ conjunctim habentur, non verò quasi illis actionibus, quarum utraque ab initio competit, & una demum electa, quis in judicio experiri potest, denegetur concursus. Quod enim in *l. 14. pr. ff. de except. rei jud.* hæc tria: rem, cau-

causam petendi & personas easdem concurrere debere dicatur, illud non fit ex potestate vocabuli concursus, sed ex natura ipsius exceptionis rei iudicatæ, de cuius essentia est, ut tria hæc concurrant, alias enim non habet locum. Aliud vero est in concursu actionum, quæ rectissime concurrere dicuntur, quando duæ actiones ab initio competunt, & una tandem electa, quis in iudicio agit, idque satis apparet ex *l. 34. ff. de O. & A. l. 88. ff. de furt.* Eadem est ratio reliquorum argumentorum, unicum enim hoc probant, illas actiones, quarum & hæc & illa intentari potest, concurrere, quod nos in dubium non vocamus. vid. Gothofred. Eibig. *tract. de concurs. action. sect. 3. n. 5. & seqq.*

XII.

Haftenus in genere de concursu actionum egimus, ut vero in specie sciamus, quanam actiones & quomodo actionum genera concurrant, sequemur vestigia Doctorum & regulas quasdam generales formabimus, in quibus quoad fieri poterit, præsentem materiam includemus, idque ductu §. 16. *J. de action.* ubi actiones vel sunt rei persecutoria, vel poenales vel mixta. Actiones rei persecutoria sunt: qua persequimur id, quod ex patrimonio nostro abest, vel nostra interest *l. 35. ff. de O. & A.* Abest autem vel quod è re nostra penes alium est, vel quod nobis ab alio debetur, illud actione in rem petimus, hoc actione in personam. Poenales, quibus poenam aliquam maleficiis à legibus propositam petimus, quæ tamen non pertinent ad exigendas poenas criminum, quia de his publica instituuntur iudicia & actiones, sed tantum ad poenas debitorum privatorum. vid. Rittersh. *ad §. 18. l. de action.* Harpprecht. *ad §. 16. l. h. t. n. 4.*
Mix-

Mixtæ sunt, quibus partim rem, sive quod nobis seu nostro patrimonio abest, partim pœnam persequimur, vel alio respectu mixtæ dicuntur, in quibus uterque actor est *l. 37. §. 1. ff. de O. & A.*

XIII.

Concurrunt itaque vel mere rei persecutoria solæ, vel pœnales solæ, vel pœnales cum persecutoriis, vel mixtæ solæ, vel mixtæ cum persecutoriis rei, vel mixtæ cum pœnalibus, in quibus omnibus, diversa jura obtinent.

XIV.

Regula I. Si concurrant actiones mere rei persecutoria ex una eademque causâ, altera alteram tollit, & una tantum licet experiri. *l. 43. §. 1. de R. l. l. 34. l. 53. ff. de O. & A. l. 38. §. 1. ff. pro soc. l. 9. §. 1. ff. de tribut. action.* quod enim semel nostrum factum est, amplius nostrum fieri non potest, & ut bis idem exigatur, bona fides non patitur *l. 3. §. 4. ff. de acquir. vel amitt. poss. l. 57. de R. l.* Sic quando quis cum servo, qui negotiatur in merce peculiari, contrahit, concurrunt actio de peculio & tributoria, quarum una electa ad aliam regressus non datur *l. 9. §. 1. ff. de tribut. action.* Ita etiam in tutela, ex una causâ & obligatione duas actiones nasci constat, & ideo si tutelæ fuerit actum, de rationibus distrahendis agi non potest, sive contra, tutela actio quoad istam speciem perempta est *l. 1. §. 21. ff. de tut. & ration. distrab.* Similiter, si mihi tecum societas sit, & res ex societate communes, & quam impensam in eam fecero, quosque fructus ex his rebus perceperis, vel pro socio vel communi dividendo actione consequar & altera actione alteram tolli Proculus ait in *l. 38. §. 1. ff. pro soc.* vid. Bronchorst. cent. 4.

*aff. 35. Franc. Duaren. tit. de O & A. c. 7. Anton. Gabri-
el. Rom. lib. 2. comm. conclus. tit. de action. concl. 1. Chri-
stoph. Sture. ad l. 43. §. fin. de R. I. n. 4.*

XV.

Concurrit etiam aliquando cum actione pro so-
cio, actio ex emto vendito, ita scil. ut quis, utram insti-
tuere velit, eligere possit, nimirum cum societas ad e-
mendum cojeretur & conveniret, ut unus reliquis nun-
dinas, i. e. empolas sive merces, quibus nundinae agun-
tur, præstaret seu emeret, eosque post emtas merces à ne-
gotio sive societate in se dimitteret, tradendo nimirum
partem mercium, quæ cuilibet sociorum obvenit, & su-
am portionem retinendo: hanc conventionem si non
servet, & merces non solvat sive præstet, vel actione pro
socio agi potest, vel ex vendito, quia scilicet pretium
solverunt alteri, ut mercem ipsis traderet *l. 69. ff. pro so-
cio. vid. Dn. Struv. Syntag. Jurisp. Exerc. 22. th. 39.*

XVI.

Tollit autem una actio alteram vel ipso jure, vel per
exceptionem *l. 34. §. 1. ff. de O. & A.* Ipso jure, si prior a-
ctio sit stricti juris & posterior bonæ fidei, quia exceptio-
nes doli insunt bonæ fidei judiciis *l. 84. §. 5. ff. de legat. 2,
l. 21. in fin. ff. solut. matrim.* Per exceptionem, si prior a-
ctio sit bonæ fidei & posterior stricti juris *l. 28. ff. de act.
em. l. 71. ff. de furt.* exceptiones enim doli non insunt
judiciis strictis, sed necesse est eas opponi *l. 14. §. 13. ff.
quod met. caus. gest.* Idque per ipsam lris contestationem,
non demum per sententiam, quemadmodum Donell.
*l. 21. c. 3. lit. h. vult. vid. Dn. Strauch. Diss. Justin. 23. th.
10.* Aliter sese res habet, quoties dubitatur, utra actio
competat *l. 1. §. 4. ff. quod legator.* aut quoties in actione

C

altera

altera qua non est actum, quid amplius est, vel quid peti possit, cujus ante non est facta mentio. Itunc altera alteram non tollit, sed solum in eo in quo concurrunt *l. 43. l. 47. ff. pro socio. l. 28. ff. de action. emt. l. 34. §. 2. l. 41. §. 1. ff. de O. & A.* Ita nec actio ad exhibendum tollit rei vindicationem, quippe illa tantum datur ad rei exhibitionem, hæc ad restitutionem *l. 9. ff. de R. V.* vid. Wissenbach. *disp. jur. civil. 48. n. 3.* Cujac. *lib. 8. observ. 24.* Vincent. Cabot. *disp. jur. lib. 1. c. 30.*

XVII.

Commode huc referri potest Q. An actio negotiorum gestorum elective concurrat cum actione communi dividundo aut familiæ erciscundæ? Quæstionem hanc valde intricatam reddunt varia juris loca, nam *l. 18. §. 1. C. fam. ercisc.* Imperatores Diocletianus & Maximianus rescribunt tanquam de re non ambigua, sumtus in communi hæreditate ab uno bona fide factos, familiæ erciscundæ judicio vel negotiorum gestorum actione servari posse. Et in eandem sententiam Divi Severus & Antoninus, solum pro cohærede actione negotiorum gestorum vel familiæ erciscundæ posse repeti *l. 2. C. de negot. gest.* Contra vero in *l. 18. §. pen. ff. famil. ercisc.* in eadem specie, datur sola familiæ erciscundæ. Et in *l. 52. §. 1. ff. fam. ercisc.* ubi servus liber & hæres esse iussus cohæredibus suis id, quod apud eum reliquum est ex administratione rationum domini, non alio judicio præstat, quam familiæ erciscundæ. Cui loco iterum obstat *l. pen. vers. earum autem summarum. ff. de R. C.* ubi Africanus J. C. negat eo nomine competere cohæredibus servi actionem familiæ erciscundæ, sed ait negotiorum gestorum dari debere. Sic in simili casu ut videtur,

tur, Labeo actionem familiæ erciscundæ dat l. 78. §. 2. ff. de contrab. quo Impp. in l. 20. C. fam. ercisc. actionem negotiorum gestorum dari debere, non familiæ erciscundæ respondent. Ad conciliandas itaque has leges, distinguimus: Si heres vel socius in re communi negotium individuum gessit, locus est actioni familiæ erciscundæ; aut communi dividundo, si dividuum, actioni negotiorum gestorum. Individuum autem negotium intelligimus, quod cohæres aut socius, non potest pro sua tantum parte gerere. Dividuum, quod pro sua quisque parte gerere potest l. 6. §. 2. in fin. ff. comm. divid. l. 40. ff. de neg. gest. l. 25. §. 15. C. seq. ff. fam. ercisc. l. 78. §. 2. ff. de contrab. emt. Ratio hujus distinctionis esse potest. Nam cum cohæres vel consors negotium individuum gessit, creditur id fecisse ranquam cohæres aut consors potius, quam alius quilibet, propterea quod id gessit, sine quo partem suam recte administrare non potuit: & ideo hic locus est actioni familiæ erciscundæ aut communi dividundo. Quod si non propter partem suam causam gerendi habuit, sed cum eam per se recte administrare posset, nihilominus totam rem communem administravit, hoc casu partem cohæredis aut socii sui administrasse intelligitur tanquam amicus & negotiorum gestor, ratione nimirum contraria: itaque hic actio negotiorum gestorum duntaxat competit l. 25. §. 16. ff. fam. ercisc. l. 6. §. 2. ff. comm. divid. Vid. Vinn. sel. jur. q. lib. 1. c. 37. add. Bronchorst. cent. 2. assert. 13.

XVII.

Regula II. Si rei persecutoria solæ concurrant ex diversis causis, singulis uti permittum est, quod explicandum est in actionibus realibus, non ut quis sapius eandem

dem rem possit obtinere, quod fieri iure non potest, sed
ut, quod non obtinuit ex priori causa, id obtineat per
posteriolem. Igitur interest, an simpliciter quis rem
suam perierit, an adiecta causa, si simpliciter, rursus non
potest agi *l. 11. §. 1. d. 12. d. 13. d. 14. l. 15. l. 27. ff. de excep.*
rei jud. si causa adiecta, licet succubuerit actor, tamen ex
alia causa rursus in rem experiri potest *d. l. 11. §. 2. d. l. 14.*
§. 2. Opponi posset huic sententiae, quod dominium
non nisi ex una causa sit *l. 159. de R. l. l. 3. §. 4. ff. de acquir.*
vel amitt. poss. adeoque & non nisi ex una causa actio in
rem poterit proponi. Verum etsi quidem non potest
dominium vere ex pluribus causis competere, potest ta-
men quis putare, ex una causa ad se competere, cum ex
altera vere competat. Ideoque nihil impedit, si in spe-
cie ex una causa seu titulo quis egerit, ex quo dominium
non obtinuit, eundem agere ex causa alia, ex qua sola ipsi
vere competit dominium. In actionibus autem in per-
sonam, singulas obligationes singulae causae sequuntur,
nec ulla earum alterius petitione vitatur *d. l. 14. §. 2. l.*
28. ff. de O. & A. l. 159. de R. l. Adeo ut non tantum post
unius rejectionem, altera uti liceat *l. 28. ff. de liberat. leg.*
l. 93. §. 2. ff. de legat. 3. Verum etiam post condemnatio-
nem ex alterutra, siue ejusdem generis actiones sint *l. 10.*
ff. de action. emt. siue diversi *l. 18. ff. de O. & A.* Quin et-
iam non tantum licet instituere diversas actiones, sed et-
iam restaurare ac repetere easdem, ob certas causas: ut si
justo errore deceptus priorem moverit *l. 13. ff. de instir.*
action. l. 1. §. fin. ff. quamd. de pecul. act. l. 4. §. f. ff. quod
sum eo qui in alien. si in priori judicio temporalis fuerit
exceptio *d. l. 1. §. fin. l. 15. ff. de O. & A.* vel si generalia
actione peracta, postea ob rem particularem eadem actione

agatur, qui tamen alienus ab hoc de concurrentibus actionibus tractatus esse videtur. Vid. Jac. Gothofred. *in l. 43. de R. I. in fin.* Limitari autem hoc solet à Dd quod de actionibus in personam dictum est, nempe si ex causa lucrativa rem quis consecutus fuerit, tunc non potest ex alia lucrativa causa peti. Vulgata enim regula juris est, duas lucrativas causas in eundem hominem & eandem rem concurrere non posse, nam contra æquitatem naturalem ac bonam fidem facere viderur, qui petit quod iam habet, & quidem sine suo incommodo aut onere. *l. 27. l. 19. ff. de O. & A. l. 83. §. 6. ff. de I. O. l. 108. §. 4. ff. de legat. 1. §. 6. §. 7. de legat.* vid. Harpprecht. *ad l. §. 6. de legat.* Rittershus. *ad l. eod.* Christoph. Sturc. *ad l. 43. §. fin. de R. I. n. 2.*

XIX.

Regula III. Si actiones mere poenales plures concurrent ex diversis factis & delictis, omnibus experiri licet. *l. 27. l. 32. §. fin. ff. ad L. Aquil. l. 2. pr. §. 1. ff. de priv. delict.* Eandem regulam & Ulpianus *l. 130. de R. I. l. 60. ff. de O. & A.* confirmat: Nunquam actiones præsertim poenales de eadem re concurrentes alia aliam consumit. Quæ ita accipienda est, si videlicet plures actiones de eadem re concurrentes alterius æstimationis sint, seu duæ sint æstimationes, sic ut altera actio plus aliquid in se contineat, quam priore actione, qua quis superior seu victor evasit, continebatur, remanet enim altera actio, seu reliquo reus condemnatur, alioquin alterutra actor contentus esse debet. Jac. Gothofred. *in l. 130. de R. I.* Sic si quis eundem hominem surripuerit, surreptum verberaverit & occiderit, hic actione furti, injuriarum & L. Aquilia efficaciter conveniri potest *l. 2. ff. de priv.*

priv. delict. l. 27. ff. ad L. Aquil. Item si quis alienam ancillam surripuerit & flagitaverit i. e. stupraverit & ita corrumpit, servi corrupti & furti agi potest *d. l. 2. §. 5.* Similiter si quis eandem rem surripuerit, modo manifesto, modo nec manifesto, actio furti manifesti, non consumit actionem furti nec manifesti *l. 21. pr. ff. de furs.* Eodem modo si tutor rem eandem in gerenda tutela abstulerit & surripuerit, duo facta & duæ obligationes intelliguntur esse, & ex utraque actor solidum consequitur *l. 1. §. 21. l. 2. §. 1. ff. de tutel. & rat. distrah.* Pari ratione, si quis feram bestiam ibi habuerit, qua vulgo iter fit, & nocuerit bestia transeunti, actio ædilitia non tollet actionem de pauperie *§. ult. l. si quadrup. paup. fec. dic.* Idque ob hanc rationem, quod nunquam plura delicta concurrentia faciant, ut ullius impunitas detur, neque enim unum delictum ob aliud minuit poenam *d. l. 2. l. 14. §. 1. ff. de prescript. verb.* Locum autem habet iste concursus, si nocitum libero homini, quo casu poena est arbitraria *§. ult. l. si quadrup. pauper. fec. dic. l. 42. ff. de adilit. edict.* quam licet quis ob delictum, contra prohibitionem edicti, canem in tali loco habendo, commissum, *d. §. ult.* actione ædilitia conventus præstiterit: tamen adhuc noxa, seu canis qui pauperiem fecit, actione de pauperie recte petitur. Porro si in aliis rebus damnum datum: quo posteriori casu in duplum condemnatur iudex reum ex ædilitio edicto *d. l. 42. in fin.* adeoque si duplum, quod damni æstimationem & poenam videtur continere, fuerit quis consecutus: non potest denuo noxa, ejusve in locum succedens damni æstimatio, peti. Sin poenam solam quis actione ædilitia exegerit, & ista adhuc, uti priori casu dictum, locum habebit. Quando vero
prius

prius actum actione de pauperie: tunc utroque casu locus adhuc erit actioni ædilitiæ, ita ut poenam ea consequatur. Vid. Johan. Bellon. *comm. jur. sentent. lit. A. Cujac. lib. 8. obs. 24.* Hotoman. *quest. illustr. 29.* Franc. Duaren. *111. de O. & A. c. 7. in fin.* Vinc. Cabot. *disp. jur. l. 1. c. 30.* Donell. *l. 21. c. 3.* Gail. *l. 1. de pace publ. c. 6. num. 7.* Bronchorst. *cent. 4. assert. 35.* Petrus Gudelin. *de jure noviss. l. 3. c. 13. in fin.* Dn. Struv. *Syntag. Jurispr. Exerc. 14. th. 15.* Wissenbach. *disp. jur. civil. 48. n. 5.*

XXI.

Regula IV. Si actiones mere pœnales plures concurrant ex uno facto & delicto, itidem omnibus potest agi, sic tamen, ut altera alteram si non in ea plus sit, consumat *l. 32. l. 34. l. 41. §. 1. l. 53. ff. de O. & A. l. 43. §. 1. de R. I.* ut si quid publicanus abstulerit, tenetur ex Edicto de publicanis in duplum & actione furti *l. 1. §. 2. & 4. ff. de public. & vectig.* Si quis rem rapuerit, & furti & vi bonorum raptorum tenetur *l. 1. ff. vi bonor. raptor.* Si servum alienum injuriose verberaverit, ex uno illo facto incidit in actionem L. Aquiliæ & actionem injuriarum *l. 34. in pr. ff. de O. & A.* Si quis furtim arbores ceciderit, tenetur etiam actione L. Aquiliæ & actione arborum furtim cæsarum *l. 1. ff. arb. furt. cas.* quibus casibus una actione, non omnibus contendendum est *l. 52. ff. de O. & A.* nisi forte leviori prius egeris, hoc est, nisi post eam inchoatam quæ minus continet, intendas eam quæ plus continet, quod fieri potest tantum in eo quod plus est. Veluti si prius egeris cum raptore furti nec manifesti in duplum, superest actio de bonis raptis in id quod amplius in ea est. Si vero prius egeris bonorum raptorum, consumitur actio furti nec manifesti. vid. Bronchorst. *cent. 4. ass.*

4. *ff. 74.* Adeoque erunt partes iudicis, ut quod plus est in reliqua actione, auctori adjudicet *l. 41. §. 1. ff. de O. & A.* in qua lege verba finalia ita legantur: si tantundem aut minus, nihil consequatur, non etiam id consequatur, quia nihil superest, ut recte legit Cujac. 3. *observ. c. 21.* & pro hac lectione facit. *l. 1. ff. vi bonor. raptor.* Vid. Wissenbach. *disput. jur. civil. 48. n. 5.* Zœf. *ad ff. de O. & A. n. 85.* Bocer. *class. 3. disp. 2. rh. 49. & seqq. add. & Dd. sup. sh. alleg.*

XXI.

Regula V. Si concurrat actio rei persecutoria cum actione mere pœnali neutra alteram tollit, sed utraq; quis recte experitur *l. 7. §. 1. ff. de cond. furtiv. §. fin. 1. de oblig. quæ ex del. nasc. l. 45. ff. pro soc. l. 34. §. 2. ff. de O. & A. l. 33 §. 3. ff. de furt. l. 29. ff. de pos. l. 42. ff. locat.* Sunt enim hæ actiones ex causis diversis, & complectuntur diversas res, adeo ut exceptio rei iudicata non possit obstare, nec objici æquitas, quæ vetat bis idem exigi. Sic actio furti non tollit conditionem furtivam *l. 7. §. 1. de cond. furtiv.* nec actionem depositi *l. 29. ff. de pos.* neque locati *l. 42. ff. locat.* neque pro socio *l. 45. ff. pro soc.* Huic sententiæ autem obstare videtur *l. 1. §. 3. ff. fin. ff. naut. caup. stab.* ubi in concursu actionis de recepto, & actionis furti, alterutra contentum esse oportet actorem. Verum responderi potest 1. Quod regula nostra vera sit, si actiones istæ concurrentes contra eundem competant, in textu vero opposito actio pœnalis datur contra ipsum furem, actio vero rei persecutoria contra exercitorem. Hac igitur electa, ista non competit, sed exercitori furti datur actio adversus furem. 2. Resp. non obtinet regula in actionibus sibi quasi contrariis, seu quarum altera

altera alteram sua natura excludit, quales in opposito
 textu occurrunt. Nam de tali casu agitur, quo si eligam
 ipsum, qui veredelinquit, convenire non possum exerci-
 torem ex quasi delicto: eo enim ipso quo eligo delin-
 quentem, dominum dimitto, & vice versa. Obs. 2. l. 71.
ff. de furt. in qua per commodati actionem exungitur
 actio furti, & per hanc vicissim actio commodati. Ad
 quam legem eadem responsio accommodari potest, sunt
 enim istae actiones ibi itidem contra diversas personas.
 Nam qui electa actione commodati, rem seu ejus æsti-
 mationem consequitur à commodatario, non potest
 deinde contra furem, furti actionem instituere, quia ejus
 non amplius interest, sed competit commodatario actio
 furti l. 1. C. de furt. §. 16. §. de Oblig. quæ ex del. nasc. Wis-
 senbach. *disp. jur. civil.* 48. n. 13. ad hanc l. resp. quod per
 furti actionem intelligatur condictio furtiva. Actio e-
 nim furti, genus est l. 14 §. 16. *ff. de furt.* cujus species
 duæ: una ad poenam duntaxat, quæ generis nomen reti-
 nêt, altera ad rem, quæ dicitur condictio furtiva, & hac
 si prius actum sit, actio commodati ipso jure perimitur,
 quia commodati actioni, cum sit bonæ fidei, in-
 est exceptio doli. Sed si prius actum sit commodati,
 condictio furtiva, quæ stricta est, non perimitur,
 nisi posita exceptione doli mali l. 34. §. 1. *ff. de O. & A.*
 Obs. 3. l. 2. §. 1. *ff. de tut. & ration. distr.* ubi condi-
 ctio furtiva tollit actionem de rationibus distrahendis,
 quæ est poenalis l. 1. §. pen. *ff. eod.* Verum id speciale
 videtur esse in actione de rationibus distrahendis, quæ
 hac lege datur, ut si quid absit pupillo, jam autem nihil
 abest ei, qui jam condixit rem vel pretium, vid. Dn.
 Struv. *Synag. Jurisprud. Exerc.* 46. th. 97. Wissenbach.
 d. l. n. 14.

Regula VI. Si actio mixta concurrebat cum mere poenali, non consumitur per hanc quatenus est rei persecutoria, sed quoad poenam altera alteram consumit, nisi forte in alterutra etiam quoad poenam sit quid amplius. *l. 1. ff. vi bonor. rapt. l. 14. §. fin. l. 15. ff. quod met. caus. l. 2. §. 3. ff. de priv. delict.* Sic enim actio vi bonorum raptorum consumit conditionem furtivam *d. l. 1. l. 10. §. 1. ff. de cond. furt. §. 1. l. vi bonor. raptor.* quia cum minus sit in actione furti, quam in actione vi bonorum raptorum, actio vi bonorum raptorum illam consumit. Sed si prius egeris conditione furtiva contra raptorem, superest actio vi bonorum raptorum *d. l. 1. ff. vi bonor. raptor. l. 88. ff. de furt.* Similiter actio in factum de calumniatoribus, quæ datur in quadruplum, contra eum qui pecuniam accepit, ut mihi per calumniam litem moveret, conditionem obrepem causam impedit *l. 5. §. 1. ff. de calum.* Eadem ratione actio quod metus causa rei vindicationem exstingvit *l. 9. §. 6. ff. quod metus caus.* & actio L. Aquiliæ actionem commodati consumit *l. 7. §. 1. l. 18. §. 1. ff. commod.* Dubium facit nobis *l. 34. ff. de O. & A.* ubi actio L. Aquiliæ quæ tamen pro parte est rei persecutoria *§. 19. l. de action.* consumitur per poenalem actionem injuriarum. Verum Resp. 1. Expresse dicitur in textu, quod illud, quod in altera amplius est, quis possit persequi: si igitur damni æstimatio pluris sit in actione L. Aquiliæ, quam æstimatio injuriæ in actione injuriarum, hæc illam non consumit. 2. Resp. Licet actio L. Aquiliæ respectu actoris sit rei persecutoria: quia tamen respectu rei, qui nihil ex damni illatione lucratur, iustar poenalis se habet, & sæpius æstimatio damni, ad quam

tendit actio *J. Aquilia & æstimatio injuriæ, quæ & loco*
pœnæ in actione injuriarum est, v. g. in servo vulnerato,
idem contineat: ideo in quantum idem hæc æstimationes
contineat, se invicem istæ actiones consumunt. vid Dn.
Struv. Syntag. Jurisprud. Exerc. 46. rh. 98.

XXIII

Regula VII. Si actio mixta concurrat cum rei per-
secutoria, non consumitur per hanc quatenus illa est
pœnalis, sed quoad simplum seu rem altera alteram con-
sumit *l. 7. §. 1. l. 28. ff. commod. l. 47. l. 50. ff. pro socio. l. 9.*
ff. arb. furt. cas. l. 43. ff. locat. cond. l. 34. §. fin. ff. de O. &
A. De cujus legis lictione varie disputant Dd. Primum
enim verba finalia §. ult. d. l. 34. sed verius est remanere.
Hortled. lib. de concurs. act. real. mera ac pœnal. mixt. &
Donell. l. 21. c. 3. putant legi debere, non remanere, Cu-
jacius vero 3. observ. 25. & Horoman. q. illustr. 29. in fin.
lectionem Florentinam, verius est remanere, defendunt
quam sententiam nos quoque amplectimur. Multo
minus etiam & verbis finalibus, negativâ, non, tollenda
est, sensus enim est: simplo subducto, locum non habet,
scil. in eo simplo, quod per actionem commodati jam
quis est consecutus, Aquilia id quod amplius in ea est,
consequatur, ne bis idem petatur, sed aliud quod deest,
secundum d. l. 7. in fin. ff. commod. Urget autem Hor-
led. d. l. verba aliorum jam allegatorum textuum, qui-
bus dicitur, contentum esse debere actorem alterutra a-
ctione. Verum ex allatis passim in hac materia textibus
facile responderi potest, est enim hæc quasi generalis re-
gula: actiones ad diversa tendentes, se invicem non con-
sumunt, quod cum in simplicibus obtineat, quidni idem
in mixtis cum simplicibus concurrentibus obtineret.

D 2

In-

Intelligenda itaque verba illa sunt, quod scilicet alterutra contentus debeat esse actor, quantum rei persecutionem attinet, ne bis idem peratur, non vero quatenus in altera quid diversum seu plus est. Limitari autem hæc solent in actionibus mixtis arbitrariis §. 31. l. de action. vid. Dn. Struv. d. l. thes. 99. Wissenbach. disp. jur. civ. 48. num. 8. Zoef. ad ff. de O. & A. n. 84. Cujac. lib. 8. observ. 24. Hotoman. d. l. Jul. Pac. concil. ll. cent. 4. q. 43.

XXIV.

Actionum mixtarum vix datur concursus, aut si forte inter sese concurrant, consumuntur, quod facile ex supra dictis apparebit.

XXV.

Dictum est de Concursu Electivo & Cumulativo Succedaneo, restat ultimum membrum, nempe concursus Cumulativus Simultaneus, quem definivimus supra ibi §. quod sit actionum compatibilium in uno judicio, simul & uno libello conjungendarum coaccervata editio, vel ut Bald. in l. 1. C. de fideicommissi n. 25. definit: Cumulatio est plurium actionum sese contingentium eodem libello, vel pluribus, conjunctio. vid. Batt. in l. 3. C. de edend. Joh. de Vicomercato in repetit. l. 3. C. de edend. n. 110. Philipp. Corneus ibid. n. 27. Joh. Franc. Purpuratus ibid. n. 131. & seq.

XXVI.

Hinc inquirendum erit An actiones cumulari possint, si eadem formula sive libello comprehendendi, eodemve judicio agitari? Quod secundum jus Romanum negandum est, quoties enim concurrunt plures actiones ejusdem rei nomine, una tantum quis uno libello unoque judicio experiri potest & debet l. 43. §. 1.

de R. I. l. 53. ff. de O. & A. l. 9. §. 1. ff. de tribus. act. Nec
 ego crediderim, unquam cumulationem actionum
 permissam fuisse, sed ex intervallo licitum fuisse actori
 aliam proponere, cui scil. plus inesset, si primo loco
 illam proposuisset, qua minus consequi posset, nisi for-
 te incertus sit actor, qua actione experiri debeat *l. 1. §. 4.*
ff. quod legat. vid. Jac. Gothofr. in *l. 43. l. 130. de R. I.* Nam
 aliud est concursus plurium actionum diversarum in e-
 undem libellum coacervatio & in iudicium deductio.
 Ille JCtis veteribus non ignotus fuit. *th. 4. supr. h.*
disp. sed maxime propter laxiorem agendi facultatem &
 potestatem concessus, quo actor suum eo facilius con-
 sequi possit, quod fit, quando ipse una ex pluribus acti-
 onibus commodiori electa experitur, vel omnes actio-
 nes intentare ipsi licitum est. Hic vero plane incogni-
 tus, quod etiam apparet ex *l. 6. ff. de excep. rei jud.* ubi
 singulis controversiis, singulae actiones sufficiunt, ne
 aliter modus litium multiplicatus, summam atque in-
 explicabilem faciat difficultatem. Quapropter & im-
 pertinenter satis à Zangero. *de except. part. 2. c. 18. n. 1. l.*
11. ff. de Jurisd. allegata est, quasi jure civili plurium ac-
 tionum aduersus unum & eundem competentium, co-
 acervatio approbetur, quia in *d. l.* nulla fit mentio acti-
 onum in uno eodemq; libello propositarum, sed tantum
 quod plures actiones coram eodem iudice eodem tem-
 pore, licet in diversis libellis sint institutae, & hoc modo
 in *d. l.* coacervatae dicuntur. Neque *l. 10. ff. de action. emt.*
 quae alias opponi solet, obstat, ipse enim textus dicit,
 unam actionem proponi, licet ex speciali ratione duo
 commoda contineat, & duas quasi condemnationes.
 Similiter in *l. 9. C. de accusat.* sunt distinctae actiones, li-

cet iudex suspendere debeat sententiam, usque dum utramque causam examinaverit, ne alioquin causæ continentia dividatur *l. 10. C. de judic. vid. Dn. Struv. Syntag. Jurisprud. Exerc. 46. th. 100. Rittersh. ad Novell. part. 9. c. 12. n. 12. Borcholt. de O. & A. c. 4. n. 8.* Usu ramen fori cumulatio actionum si ex diversis causis ad diversa agatur, nec obstant regulæ prohibitiæ cumulationem impediētes admittitur, unde reo excipienti de cumulatione, incumbit onus probandi, isto casu cumulationem à jure esse prohibitam. *Gloss. in l. 3. C. de edend. Joh. de Vicomercato in repet. l. 3. C. de edend. n. 119. 147. & seqq. Philip. Corneus ibid. n. 35. Joh. Francisc. Purpurat. ibid. n. 134. & seqq. Ludovic. Gozadin. ibid. n. 22. Dyn. in c. nullus pluribus. de R. I. in 6. n. 43 Baptist. à Villalobos comm. opin. lit. A. Card. Tusch. pract. conclus. 1095. lit. c. Zang. de except. part. 2. c. 18. Mynsing. cent. 1. obsev. 25. Gail. 1. O. 63. Schneid. §. minimus. n. 16. I. de action. Consil. Marpur. J. C. volum. 4. conf. 35. n. 39. Wesenb. Consil. 6. n. 42. Dn. Carpzov. proc. jur. Tit. 6. A. 1. n. 83. Joh. Graken. tract. de conc. & cumul. action. & except. clas. 1. c. 15.*

XXVII.

Quæritur itaq; I. An judicium possessorium cum peritorio, sic cumulari & jungi possit, ut utroque simul & eodem tempore experiri liceat? Vexata admodum hæc est quæstio, de qua Dd. semper diversimode senserunt: Prima olim fuit negantium Johannis & Azonis sententia, non posse cumulari, sed prius de possessione, deinde de proprietate cognoscendum *l. 13. C. de R. V. l. 3. C. de interd. l. ult. C. quer. benor.* Secunda fuit sententia Petri, qui omne possessorium concurrere posse cum

se cum petitorio affirmavit, & nihil concursum hunc
 impedire, excepto ordine iudicii, quia nihil commu-
 ne habet possessio cum proprietate *l. 12. §. 1. ff. de acquir.
 vel amitt. poss.* ubi propterea concursus permittitur. Et
 hoc est quod dicitur causam possessionis & proprietatis
 apud unum & eundem iudicem cognoscendam *l. 10. C.
 de iudic.* Nos mediam sententiam Martini antiqui Glof-
 satoris ut veriore eligimus, nempe concurrere simul
 posse petitorium & possessorium & ita etiam cumulari,
 excepto possessorio retinendæ *l. 18. §. ult. ff. de vi & vi
 armat. c. 4. §. 5. & 6. X. de caus. poss. & propriet.* Propterea
 autem excipitur possessorium retinendæ, quia contine-
 ret in se repugnantiam. Nam qui utitur hoc possessorio,
 affirmat se possessorem *l. 1. §. 4. ff. uti possid.* qui vero
 petitorio, videtur possessionem attribuire adversario,
 aut saltem ei renunciare & in adversarium transferre, ut
 ira contraria proponens non sit audiendus, volens cu-
 mulare. Hinc scribunt omnes Dd. in *l. edita C. de edend.*
 cumulari non posse plures actiones quæ inter se repu-
 gnant, & probat *l. 1. C. de furt.* Nec enim Deus vel i-
 psa natura (ut illi ajunt) efficere potest, ut duo contra-
 ria simul esse possint. Neque etiam ulla sit mentio in
 dd. cc. retinendæ, ut Zoef. *ad ff. 1. de interd. n. 10.* colligere
 videtur, sed tantum permittitur cumulatio petito-
 rii cum possessorio adipiscendæ & recuperandæ posses-
 sionis. Et hæc sententiam ut in praxi receptam, con-
 firmant Dd. Menoch. *de retinend. poss. rem. 3. n. 137. &
 seqq. rem. 4. n. 112. & seqq.* Card. Tusch. *præf. conclus.*
1095. n. 7. lit. c. Cravett. *conf. 945. n. 6.* Modest. Pistor.
conf. 30. n. 41. Wesenbec. *conf. 6. n. 42. 43.* Zang. *de except.*
part. 2. c. 18. n. 19. Myns. *cent. 6. O. 93.* Gail. *1. observ. 63.*
 Borcholt.

Borcholt. *tit. de O. & A. l. 4. n. 6. in fin.* Dn. Carpzov. *proc. jur. T. 6. A. 1. n. 85.* Dn. Ungepaur. p. m. *Exerc. fin. q. 1.* Dn. Hahn. *ad Wesenb. de Interd. n. 8.* Objici vero posset *l. 12. §. 1. ff. de acquir. vel amitt. poss.* ubi possessio cum proprietate nihil commune habet. Verum hæc lex saltem hoc vult, quod natura possessionis à natura seu essentia proprietatis diversa sit, non autem quod petitoria actio cum possessoria cumulari non possit. Adhuc autem obstare videntur *l. 13. C. de rei vind. l. 1. C. de appell. l. 14. C. de agric. & censu. l. 37. ff. de judic.* Sed Responderi potest, iudicium possessarium convenienter petitoriam actionem precedere: nec ideo hanc cumulationem recte impugnari, cum omne quod bene & convenienter fit, non ideo ita necessario semper fiat. Neque obstat verbum debet aliudve simile *l. 1. C. de appell.* cum & eo non absoluta necessitas, sed quæ ex jam dicta hypothese est, colligenda sit: scilicet si actor optimo modo possessorio atque etiam petitorio iudicio experiri velit. vid. Jacob. Mæstert. *de just. leg. Rom. lib. 2. dnb. 38.*

XXIIX.

Quæritur II. An actio personalis & hypothecaria cumulari possit? Quod affirmatur, si contra debitorem principalem vel ejus hereditatem agatur, & ipsi possideantrem hypothecam per text. in *Auth. de fidejussor. §. sed neque ibi: sive ambabus.* Gail. 2. *obs. 26. n. 4.* non vero admittitur contra diversas personas scilicet debitoris & tertii possessoris, Bald. in *l. 14. C. de O. & A.* Ludov. Gozadin. in *reper. l. 3. C. de edend. n. 11.* Cujus rei Dd. varias adducunt rationes. Prima est Castrensis in *l. 3. C. de edend.* qui dicebat, admitti cumulationem personalis & hypo-

hypothecaria in *d. §. sed neque*, in hoc sensu : ut cum-
latio admittatur sub conditione, non autem simpliciter,
videlicet ut hypothecaria censeatur intentata sub ista
conditione, scil. quatenus actor foveat jus in personali,
sicuti dicitur, querelam inofficiosi cumulari posse cum
repetitione hæreditatis conditionaliter, quatenus scil.
actor obtinere debeat in querela *l. 20. ff. de inoffic. testam.*
Secunda est Cyni in *c. nullus pluribus de R. I. in 6to.* qui
propterea illam cumulationem putat admitti, quia sit u-
no & eodem tempore, si vero separatim una actio post
aliam intentatur, non admittitur. Tertia est Alciati,
qui consideravit istam cumulationem personalis & hy-
pothecaria fieri ad diversas res: nam personalis datur ad-
versus personam debitoris quæ obligata est, hypotheca-
ria autem ad consequendas res obligatas, ut ita recte pos-
sit fieri hæc cumulatio. Quarta est Bartoli in *l. 3. C. de
edend.* nempe quod sit speciale in personali & hypotheca-
ria, ut admittatur cumulatio, licet absolutoria lata in
una, pariat exceptionem rei judicatæ in altera. Ratio
specialitatis videtur esse: quia ex illo jure Novell, credi-
tor in eo est gravatus, ut non possit hypothecaria agere,
contra tertium possessorem, ante factam excussionem
bonorum principalis debitoris, merito debet in alio re-
levari, ut contra debitorem possit agere simul utraque a-
ctione, scil. personali & hypothecaria. Ultima est Bal-
di *part. 1. conf. 187. n. 7.* quæ magis placet: quia hypotheca-
ria est veluti accessoria ad personalem actionem, quid-
ni ergo admitteretur cumulatio accessoria cum princi-
pali actione? maxime cum ambæ ad eundem finem con-
sequendi debiti pertineant, ut scil. petatur pronunciari
reum conventum mihi ad decem ex causa hujus vel alte-

rius contractus teneri, fundumque ejus ob tale debitum loco pignoris obligatum esse, ideoque condemnari eum ad solvenda mihi decem, & interim ad tradendam pignorati fundi possessionem. Nec objici potest communis Doctorum regula cumulationem plurium actionum non esse admittendam, quoties ita se habent, ut absolutoria lata in prima actione pariat exceptionem rei judicatæ in alia, quia hæc ita accipienda est, nisi una actio alteri sub conditione jungatur, si apparuerit, actorem id, quod venit in actionem principalem jure petere, seu si constiterit, actionem, quæ est de re majori & principali, actorem jure intendisse, & ita ex judicato unius alteri non præjudicatur, quam sententiam etiam usus fori confirmat. Vid. Joh. Francisc. Purpurat. *in repetit. l. 3. C. de edend. n. 170.* Card. Tusch. *pract. conclus. 1095. n. 8. lit. C.* Guid. Pap. *dec. q. 118.* Cravett. *conf. 16. n. 8.* Franc. Vivius *comm. opin. lit. A.* Zang. *de except. part. 2. c. 18. n. 6. & 21.* Speckhan. *cent. 1. q. 66.* Dn. Carpzov. *proc. jur. T. 6. art. 1. n. 86. & seqq.* Fachin. *lib. 12. controuv. c. 2.*

XXIX.

Eodem modo & restitutio in integrum, aliudve remedium rescissorium cum actione nullitatis cumulari potest, modo ex cumulatione illa, nulla contrarietas vel repugnantia resultet *l. 41. ff. famil. ercisc. Ord. Cam. Imp. p. 3. t. 34.* Dn. Carpzov. *d. l. n. 93.* Mynsing. *cent. 2. observ. 25.* Zang. *de except. d. l. n. 20.* Guid. Pap. *dec. q. 143. n. 1.* Imo plurium nullitatum cumulatio admittitur, & sufficit alteram seu unam probare veram Bald. *part. 3. conf. 293.* Card. Tusch. *pract. conclus. 1095. n. 33. lit. C.* Similiter actio ex vendito in decem & certi condictio ex mutuo in viginti, recte in eodẽ libello conjunguntur. Item
rei

rei vindicationis & in integrum restitutionis cumulatio
permittitur Mynsing. *d. l. nec non nullitatis & iniquita-*
tis Myns. c. 4. o. 63. Idem autor *c. 1. o. 25.* notat, cumula-
tionem actionis injuriarum & L. Aquiliæ in camera ad-
mitti, quod ego verum puto, quantum ad hunc effe-
ctum, ut quod amplius in altera est, actor consequatur,
sicut loquitur *l. 34. ff. de O. & A. Gail. 2. o. 63. n. 9.* Speck-
han. *cent. 1. q. 66.* An autem in eodem judicio sive libel-
lo fors cum usuris peti ac cumulari possit, controverti-
tur? Rationem dubitandi facit; communis sententia:
quandò duæ actiones sic se habent, quod sententia abso-
lutoria lata in una, pariat exceptionem rei judicatæ in al-
lia, cumulatio permixta non est. Constat autem abso-
lutoriam latam super sorte, parere exceptionem rei judi-
catæ in usuris, cum hæ sic se habent ad sortem, ut non
possint deberi, nisi fors debeat: ergo petitio sortis & u-
surarum non erit admittenda. Præterea & hoc certum
est, præjudiciales actiones non posse intentari, sunt enim
hujus naturæ, quod una scilicet magis præjudicialis, faciat
silere minus præjudicalem. Sed actio personalis ad
sortem & actio personalis ad usuras sunt præjudiciales,
cum sententia lata super sorte, faciat præjudicium in usu-
ris *l. 18. ff. de except.* Ergo cum supra dictæ actiones
sint præjudiciales, simul intentari & cumulari nequeunt.
Alii vero contra censent, sortem cum usuris peti posse,
idque per *l. 1. C. de judic.* quam sententiam etiam obtinu-
isse dicit Mynsing. *cent. 1. o. 57.* nempe quod simul in eo-
dem judicio peti possint, & etiam una sententia termi-
nari debeant: si tamen in eodem libello unum prin-
cipaliter, alterum accessorie peratur. vid. Johan. Graken.
tract. de concurs. & cumul. action. & except. class. 1. c. 3. n. 5.

& seqq. Et tali casu, quando plures actiones in uno libello cumulantur, iudex diligenter ad singulas actiones & ad singula facta attendere debet, quæ actio cuique facto competat, quid, quantumque in qualibet actione probatum sit, nam quot sunt facta, tot sunt actiones & libelli *l. 29. ff. de V. O.* & totidem sententiæ requiruntur. Tot enim sunt sententiæ, quot sunt diversæ species *l. 29. ff. de minor.* quæ quidem sententiæ non diverso, sed uno eodemque tempore proferendæ sunt. *Gail. 1. observ. 63. n. 3. & seqq.*

XXX.

Quæritur III. An possit actor in eodem libello cumulare rei vindicationem cum Publiciana? Gravis & anceps hæc est inter Dd. q. & quidem prima facie non videtur posse has actiones simul proponi, quia Publiciana datur non domino, rei autem vindicatio competit vero domino *l. 18. ff. de pignor.* quæ videntur inter se contrarietatem quandam habere. Sed verior est sententiæ, quod possit utraque actio simul intentari, valetque libellus, quo actor petit declarari fundum ad se pertinere jure domini vel quasi, quia rei vindicatio & Publiciana non sunt contrariæ actiones, sed diversæ ad eundem finem tendentes, scilicet ad rem vindicandam, secus esset si actiones essent contrariæ, quia tunc libellus non procederet. Eodem modo valet libellus alternativus (peto rem si extat, vel ejus æstimationem si consumpta sit) nam ratione incertitudinis alternativa illa libellum non vitiat. Cæterum si certum sit rem adhuc extare, tunc ipsa res, & non ejus æstimatio peti debet: quia æstimatio tantum in subsidium debetur *l. final. C. de fideicommiss. libere.* Objici solet huic sententiæ, quod contrariæ actio-

actiones simul non admittantur *l. 43. §. 1. de R. J.* Atque videntur contrariæ esse actiones, rei vindicatio & Publiciana, quia rei vindicatio datur vero domino, Publiciana vero ei competit, qui rem aliquam à non domino comparavit & nondum usucepit *l. 1. ff. de publ. act.* Verum Publiciana & rei vindicatio non sunt actiones contrariæ, sed potius inter se sunt affines, & altera alterius supplemento perficitur. Sicut enim quasi dominium non est contrarium dominio, sed tam affine directo dominio, ut aliquando domini loco pene sit *l. 48. ff. de acquir. rer. domin.* ita etiam judicare oportet in duabus hinc actionibus affinitatem esse conjunctissimam, non vero contrarietatem, cum rei vindicatio competat pro dominio, Publiciana vero pro quasi dominio vindicando. Et certè utile est domino cum rei vindicatione conjungere Publicianam, quia difficillima est probatio domini, cujus probatio necessaria quidem est in rei vindicatione, sed in Publiciana sufficit probare titulum, bonam fidem & possessionem *l. 12. C. de probat.* Impugnari autem hæc sententia adhuc posset, quod libellus incertus vel alternativus non valeat, sed rejici possit ab adversario. Nam actor certam actionis speciem edere debet in libello, ut cognoscere reus possit utrum cedere an contendere debeat *l. 1. ff. de edend. l. 3. C. eod.* At qui proponit rei vindicationem & Publicianam simul, alternativum & incertum libellum offert. Ergo talis petitio non est admittenda. Sed quoties actor ex facto adversarii vel alieno incertus est de jure suo, tunc quia nihil ei potest imputari, admittitur libellus alternativus & non potest rejici ab adversario *l. 1. §. 4. ff. quod legat. vid. Oltendorp. clas. 3. act. 3. in aff. remed. Mynsing. ad §. 4. l. de*

actiō. & cent. 4. observ. 11. Gail. lib. 1. observ. 62. Bronchorst. cent. 1. assert. 66. Speckhan. c. 1. q. 66.

XXXI.

Queritur IV. Utrum actio ad palinodiam seu recantationem cum actione injuriarum civili seu æstimatoria, in uno eodemque libello cumulari, & ab actore peti possit, ut Reus non tantum in einen Wiederruff / sondern auch Klägern die zugesugte Injurien / mit der im Libell gesetzten æstimation zu verbüssen / und ihm solche abzutragen / condemnari debeat? De qua Q. pauca erunt præmittenda, antequam ad ipsius decisionem veniam. Recantatio verborum injuriosorum der Wiederruff / eoque nomine competens actio recantatoria reclamatoria seu ad palinodiam, jure civili plane est incognita, usu tamen obtinuit, & in *Ordin. Camera Imper. part. 2. tit. 28. §. 11* und sonderlich sehen / &c. est probata, quæ Dd. admodum torfit, ad quam classem, an ad actiones civiles, an vero criminales sit redigenda. Marant. *spec. aur. part. 4. dist. 1. n. 17.* putavit actionem ad palinodiam esse mere criminalem, sed tum actione injuriarum criminaliter institutæ jungi non potest, ne reus duabus poenis afficiatur. Plerique eam civilem indignant, nam etsi petatur reclamatio injuriæ, tamen non potest dici, quod ad aliquam poenam agatur fisco applicandam, quod in criminali omnino est necessarium *§. 10. 1. de injur.* Quæ sententia etiam in Camera Imperiali recepta est, nam sæpius ibi recipiuntur libelli injuriarum, ad recantationem concludentes, qui recipi & admitti non possent, si criminale judicium esset, cum vigore ordinationis, nulla causa criminalis (excepta conditione ex constitutione pacis publicæ) ibi agitari possit aut debeat,

Ne-

Neque nobis obstat, quod nonnulli hanc ideo crimina-
lem censent, quia infamat, nam & depositi & mandati &
de dolo & aliæ quamplurimæ actiones infamant, neque
tamen eas propterea criminales esse dixerimus. vid. Dn.
Hahn. *ad Wesenb. de priv. delict. n. 4. in fin. de injur. &
fam. libell. n. 18.* Mynsing. *cent. 2. observ. 98.* Gail. *1. o. 65.*
Bachov. *ad Treutl. vol. 2. disp. 30. thes. fin. lit. A.* Bron-
chorst. *part. ult. cent. 2. ass. 58.* Hisce ita præmissis affir-
mativam sententiam amplector, idque propterea. 1. A-
ctionum cumulatio regulariter concessa & permessa est.
Gloss. & Dd. *in l. 3. C. de edend. add. th. 26. supr. in fin.* 2.
Quia actio æstimatoria & ad palinodiam, non ad idem
sed ad diversa tendant: æstimatoria actio ad vindictam &
poenam Prosp. Farinac. *part. 3. de var. ac divers. crimin.*
q. 105. inspect. 2. n. 27. recantatoria vero non ad poenam,
sed ad famæ solummodo & honoris restitutionem We-
senb. *part. 6. cons. 251. n. 76.* Hinc actiones injuriarum
& Legis Aquiliæ, cum ad diversa intentantur, in eodem
libello possunt cumulari *supr. th. 29.* 3. Sic contra va-
sallum dominum feudi atroci injuria verbali afficien-
tem, non saltem ad privationis feudi poenam, sed & ad
palinodiam recte agitur, & quidem ita, ut competens ad
injuriæ revocationem actio, cum ea, qua ad privationis
feudi poenam agitur, in uno eodemque libello possit in-
stitui ac cumulari Lud. Schrad. *de feud. part. 2. part. 9.*
sect. 6. n. 51. 4. Quia actio mere rei persecutoria & me-
re poenalis se invicem non tollant, ac proinde recte cu-
mulantur, ut patet ex *th. 21.* Jam vero actio injuriarum
æstimatoria est mere poenalis, cum tendat ad vindictam
& poenam, recantatoria autem mere rei persecutoria est,
cum ea non agatur ad poenam, sed tantum ad famæ &
ho-

honoris restitutionem. 5. Quia cum criminali actio recantatoria accessorie recte proponitur & cumulatur in eodem libello Nic. Reusn. *lib. 2. cons. 20. n. 26. vers. preterea*. Dn. Hahn. *ad Wesenb. tit. de injur. n. 18*. Si igitur actionem recantatoriam cum criminali majus præjudicium inferente cumulare licitum, multo magis eam licebit conjungere cum actione civili, quoniam judicium criminale semper majus reputatur judicio civili *l. fin. C. de Ordin. judic.* Imo 6. *in Const. Electoral. 42* expresse sancitur, quod reus injuriarum actione pulsus, non solum ad palinodiam, sed etiam pro circumstantiarum qualitate ad exsolvendam poenam pecuniariam condemnari debeat, ibi: Dem beschwereten und injurierten Theil / nach Befindung der Unschuld einen öffentlichen Wiederruff für Gerichte zu thun schuldig sein sol/darüber und darneben sol auch solcher muthwilliger Schänder und Injuriant/e/wilführlich mit einer hohen Geldbusse gestraffet werden. Cum igitur vocabulum Geldbusse/generaliter hic sit positum, sine ulla restrictione, proinde tam de poena pecuniaria, quæ parti læsæ, quam quæ fisco seu judici applicatur, accipi potest. Inprimis vero verbum, Geldbusse/Saxonum de jure communiter ac proprie illa pecuniaria poena venit, quæ parti adjudicatur. Hinc Wette/ quod Saxonis est mulctare, inde Gewette/mulcta, & Busse/ quod accipi solet de emenda pecuniaria ita distingui solet, ut fisco seu judici mulcta die Wette/parti vero emenda die Busse/detur. vid. Besold. *thes. pract. in voce Buß & Wette*. Wehner. *observ. pract. voc. Büßen*. 7. Quia cumulationem admittens opinio est communis, à qua non facile est recedendum, sed ea in dubio retinenda, unde se-

tundum communes opiniones tenentur iudices pronuntiare, ne dum sequantur singulares, litem suam faciant, Francisc. Turzan. *comm. opinion. pag. 396.* Joh. Sichelard. *ad Auth. Sacramenta puberum. C. si advers. vendit, n. 18.* Communem autem opinionem esse, cumulationem æstimatoriæ & ad palinodiam admittentem, testantur Gail. *l. 1. q. 6. n. 5.* Mynsing. *c. 2, o. 98.* Speckhan. *cent. 1. q. 66. n. 5.* Harpprecht. *ad §. 10. I. de injur. n. 70.* & quam plurimi alii Dd. Et secundum hanc communem opinionem Facultas Juridica in Academia Lipsiensi anno 1617. pronunciavit, ibi: Seyd ihr wider N. H. S. Ehe weib vor der Stadtgerichten zu N. wegen ehlicher von ihr ausgegossenen Injurien klagbar worden / und habt in euren übergebenen Klaglibell auff einen Wiederruff und gewisse æstimation der angegebenen Injurien euer Absehen gehabt / und also dieselbe cumuliret und zugleich gebeten / es wil aber euer Gegentheil diese cumulation nicht zulassen. Ob nun wohl vorzugencket wird / daß die actio recantatoria criminal sey / und gleichsam zweyerley Straffe durch den Wiederruff und auch die Geldbusse von euch / als Klägern gefordert wird / und dahero die cumulation nicht statt finden könne. Demnach aber und die weil / nach bewehrter Rechtslehrer Meinunge / die actio revocatoria nicht für peinlich / sondern bürgerlich zu achten / die cumulation revocationis und æstimationis injuriarum weder in gemeinen Rechten / noch in Churfürstl. Sächsischer Constitution verboten / auch eine action die ander nicht auffhebet / sondern bey einander wohl cumuliret werden können / und diversos fines haben: So ist demnach euer Klaglibell zu Recht kräftig / und mag dahero

F

dassel

dasselbe von Beklagten mit Bestande nicht angefochten werden. Isdem pene verbis Facultas Juridica in Academia Wittebergenſi anno 1634. pronunciavit, quæ huc brevitatis cauſa apponere ſuperſedeo. Refert & Dn. Hahn. *ad Weſenb. t. de injur. & fam. libell. n. 18.* in Academia Julia etiam ſuo tempore ita pronunciatum fuiſſe. vid. Dn. Carpzov. *p. 4. c. 42. d. ult. n. 32. & ſeqq.* Schnobel. *diſp. 24. ad ff. th. 10.*

XXXII.

Quæritur V. An in uno eodemque libello actio ex *L. diffamari C. de ingen. manum.* cum actione injuriarum cumulari poſſit? Quod affirmandum eſſet ex ſententia Ulpiani, Marcelli & Neratii, nempe de pluribus injuriis non eſſe ſeparatim agendum, ſed omnes conjungendas & uno libello proponendas *l. 7. §. 5. ff. de injur. & famoſ. libell.* Et quoties incertum eſt, quæ actio potius teneat, duas actiones dicere ſolemus, cum proteſtatione ex altera nos velle conſequi, quod nos contingit *l. 1. §. 4. ff. quod legat.* Sic diffamatus, qui certo ſcire non poteſt, quasnam cauſas ſux diffamationis. Diffamator habeat, ideoque utramque actionem ex *L. diffamari* & injuriarum proponit, cum petitione, ut niſi diffamationem prober, diffamator legitima poenâ puniatur. Verum *d. l. 7. §. 5.* loquitur quidem de pluribus injuriis, ſed ad eundem finem tendentibus. Actio autem injuriarum & conditio ex *L. diffamari* tendunt ad diverſa, illa enim hunc finem ſibi propoſitum habet, ut injuriatus vel ad certam pecuniæ æſtimationem ſibi vel ſiſco inferendam, vel injuriæ illatæ revocatione condemnetur, vel utroque modo conjunctim injuriato ſatiſſiat, hæc vero eo tendit, ut diffamati certus terminus præſigatur ad agendum.

gendum, & si non agat, ut perpetuum silentium ei imponatur *d. l. diffamari C. de ingen. manum.* Neque etiam in hoc casu applicari potest *l. 1. §. 4. quod legat.* nam tum demum duas actiones proponere licet, quando incertum est, quznam actio competat *d. l. 1. §. 4.* hic vero incertum non est, quomodo quis agere debeat. Constat enim ad diffamationem pertinere processum *l. diffamati*, ad injurias, actionem injuriarum, & utrobique certa est petitio. Nec sequitur, diffamatus ignorat, quasnam causas diffamator suæ diffamationis habeat, ergo utramque actionem conjungere potest, non enim propter causas diffamationis locum habet conditio *l. diffamari*, sed sufficit diffamationem summarie probasse. Verior itaque erit negativa sententia: nam ex harum actionum cumulatione sæpius ariretur confusio jurisdictionum contra *l. 4. C. de jurid. omn. judic.* præsertim, si ambo, diffamator & diffamatus uni eidemque foro non subsunt. In Processu enim *l. diffamati*, diffamans in foro diffamati respondere tenetur *Gail. 1. 6. 9.* In actione autem injuriarum, coram competente iudice tanquam reus injurians conveniri debet. Neque per rerum naturam quis simul personam actoris & rei sustinere potest *l. 124. ff. de V. S.* dum enim compellit diffamatus diffamatorem suum ad agendum, sub poena perpetui silentii, fieri non potest, ut simul diffamatus actione injuriarum vices actoris agat, sibi enim ipsi contradiceret, simulque & actoris & rei partes sustineret, quo nihil absurdius. Vid. *Dn. Garpozov. p. 4. c. 42. d. 15. Proc. jur. t. 20. a. 2. n. 27. & seqq. Finckelth. abseru. 35.*

XXXIII.

Quæritur VI. An actio civilis cum criminali possit

XXXX

F 2

sit

sit cumulari? Quod negatur, quando utraque actio ci-
 vilis scil. & criminalis adversus unam eandemque per-
 sonam ex eadem causa intenditur *l. 4. ff. de publ. jud. & li-*
cet ille textus loquatur, quando pendente judicio civili,
actor vult intentare judicium criminale: tamen conclu-
sio secundum Dd. indistincte procedit, sive ab initio in-
tenteretur simul in eodem libello, sive jam coepto & pen-
dente judicio civili prius intentato, velit deinde actor ex
eadem causa, intentare judicium criminale. De hoc
 quoties actor duo illa remedia æque principaliter in eo-
 dem libello vult cumulare. Major enim & dignior est
 causa criminalis quam civilis, & ubi una causa est major
 altera, non possunt duæ actiones simul cumulari, per ea
 quæ tradunt Dd. *ad l. 3. C. de edend. sed peracto criminali*
judicio, civilis actio moveri poterit l. ult. C. de ordin. jud.
 Affirmatur autem quoties actor judicium criminale
 principaliter intentat, & deinde incidenter petit etiam
 rem ablatam sibi restitui, tunc enim cumulatio recte ad-
 mittitur. Sic si cui res surrepta est, accuso furem crimi-
 naliter, & peto eum puniri, nec non etiam incidenter
 imploro officium judicis, ut rem ablatam mihi restituat
l. 56. §. 1. ff. de furt. vel etiam contra principaliter potest
agere ad restitutionem rei ablatae, & simul incidenter poe-
nam judicis arbitrio infligendam committere. Vid. Pro-
sper. Farinac. prax. criminal. part. 3. q. 100. c. 3. n. 148. &
seqq. Menoch. de retin. poss. rem. 3. n. 552. Cravett. conf.
14. n. 1. & conf. 58. n. 2. Marant. specul. aur. part. 2. dist. 13
n. 6. Jul. Clar. lib. 5. §. fin. quest. 2. n. 1. & 2. Gail. lib. 2
obs. 60. n. 5. Fachin. l. 9. controuv. c. 2. Perez. ad Cod. lib. 1
l. 31. n. 4.

XXXIV.

Non aliena prorsus etiam ac hac materia est Quæstio num absoluto iudicio civili, contra aliquem intentato, possit postea actor intentare contra eundem accusationem criminalem ex eadem causa, vel è contra absoluto iudicio criminali, intentare actionem civilem? Cujus quæstionis responsio est in promptu; si enim actio civilis & criminalis tendunt ad diversa, tunc potest agi altera via, non obstante quod prius actum sit una. Sin vero tendunt ad eundem finem, tunc una intentata altera tollitur, & ita intelligenda *l. unica. C. quand. civil. act. crimin. præjud.* Sic quando criminalis datur ad vindictam tam civilis quam criminalis, tunc una intentata, altera tollitur. Ita non obstat *l. 7. §. 1. ff. de injur.* ubi dicitur, pro injuria illata civiliter & criminaliter agi non posse, sed una actione intentata alteram consumi, quia utraque actio competit ad vindictam, ideoque una intentata altera consumitur, iniquum enim est eandem rem bis in iudicium deduci. Aliud est, quando civilis actio persequitur rem familiarem, tunc enim civili iudicio intentato non consumitur criminalis, & è contra. Multo minus sententiam nostrā evertit *l. 4. ff. de publ. jud.* ubi instituto privato iudicio de aliquo crimine, præjudicium fieri dicitur iudicio publico. Nam instituto iudicio privato de crimine, non præjudicetur publico, ita ut amplius agi non possit, sed in probatione delicti iudicium privatum ante finitum, juvabit aut urgebit reum, in executione criminis publici. Præjudicium enim hic significat argumentum & exemplum, quod sequantur iudices in criminali iudicio. Sensus itaque *d. l. 4.* est: quod instituto prius iudicio privato, præjudicium fit publico,

hoc est ex civili iudicio prius finito, sumitur exemplum,
quod iudices in criminali iudicio sequantur. vid. Jul.
Clar. d. l. Marant. spec. aur. d. l. n. 9. Bronchorst. cent. 4.
ass. 67.

XXXV.

Haecenus de actionibus quae cumulari possunt, jam
adhuc reliquum est ut paucis tradamus regulas cumula-
tionem impediētes, & quznam actiones cumulari non
possint. Igitur Primo non recte conceditur cumulatio,
si actiones quidem & res sint diversae, at causa petendi
eadem, ita ut absolutoria in prima actione, productura
sit exceptionem rei iudicatae in altera? Ut si actione fur-
ti ad duplum vel quadruplum adversus te agere velim, &
simul in eodem libello conditionem furtivam propo-
nere, recte mihi obicitur exceptio ineptae cumulatio-
nis, quae opponi debet antequam lis super cumulatis a-
ctionibus contestetur, est enim haec exceptio regulariter
dilatoria. Aliud exemplum elegans est in l. 16. ff. de
except. casus huius l. talis est: controversiam tibi moveo
de proprietate fundi Titiani quem tu possides, & simul
ago confessoria, dicens per tuum fundum Sempronianum,
de quo controversia non est, viam mihi deberi
in Titianum, hic mihi obijci potest exceptio quoad viam
petitionem, non enim servitutem fundo petere possum,
nisi sim fundi dominus l. 1. ff. si serv. vind. ergo non ali-
ter viam mihi deberi probaturus sum, quam prius pro-
baverim fundum Titianum meum esse. Ita etiam si fun-
di, quem ego communem, tu proprium esse tuum dicis,
partem vindico, & simul volo agere communi dividun-
do ad partiendum fundum, exceptio mihi obstat, quia
prius de proprietate fundi quam divisione, & prius in
rem

rem, quam communi dividundo agi oportet *l. 18. in pr. ff. de except.* Eadem ratione hereditatis petitio & familiaris excusanda iudicium simul cumulari non possunt *l. 1. ff. fam. excusc.* Similiter si fundum vindicem quasi meum proprium, quem tu possides, & simul condicam fructus, quasi ex fundo isto meo, sine causa perceptos, condicenti obstat exceptio præjudicialis, qua prius cogar de proprietate docere, quam fructus condicere *d. l. 18. in fin.* Limitari autem solet hæc regula, nisi una actio alteri sub conditione jungatur, si apparuerit, actorem id, quod venit in actionem principalem, jure petere, seu, si constiterit, actionem quæ est de re majori & principali, actorem jure intendisse. Veluti, si quis acturus simul furti & conditione furtiva, dicat: Cajus furtum mihi fecit, itaque peto, ut si apparuerit, rem ita se habere, & duplum rei, quam surripuit, & rem ipsam mihi præstare condemnetur. Sic si ita scribatur in libello, in quo juncta est actioni leviori alia, quæ plus continet, veluti, actioni commodati actio *L. Aquiliæ*, vel actioni pro socio actio communi dividundo, vel actione furti actio vi bonorum raptorum, vel actioni injuriarum actio *L. Aquiliæ*, vel actioni civili actio criminalis, ad diversa tendens, si docuerit actor, se recte agere actione leviori, ut simul in id, quod est amplius in alia actione, reus condemnetur, exceptio ineptæ cumulationis non obstat *l. unic. C. quando civ. act. crim. præjud.* Maranta *spec. aur. part. 4. dist. 1. n. 28.* Mynsing, *c. 1. o. 25.* Gail. *lib. 1. o. 60. n. 5. & o. 63. n. 9.* Qui ergo caute agere vult, cumulet ejusmodi actiones conditionaliter, quamvis tamen negare non possim, libellum, in quo dictæ actiones simpliciter coacervatæ sunt, absque dicta conditione sustineri posse,

posse, & ita explicari debere, quasi sub conditione hæc a-
ctiones junctæ essent, si modo libello adjecta fuerit clau-
sula, omni meliori modo, vel super quibus omnibus &
eorum singulis peto mihi jus & justitiam administrari.
Hæc enim salvat libellum ab omni ineptitudine, Anton.
Gabriel. Rom. lib. 6. *comm. conclus. 1. de clausulis concl. 4.*
n. 23. Illa operatur, ut libellus explicetur eo modo, quo
favorabilius est auctori libellanti, quin vero utilius sit a-
uctori, ut dicatur, omnem actionem ab eo institutam esse,
& sic eam etiam, quæ plus continet, aut qua accessiones
petuntur, non dubitatur. vid. Joh. de Vicomercato in
repet. l. 3. C. de edend. n. 120. Philip. Corn. *ibid. num. 31.*
Joh. Francis. Purpurat. *ibid. n. 155.* Joh. Coraf. *miscell.*
Jur. lib. 2. c. 5. Petr. Frid. Mindan. *de contin. caus. lib. 3.*
c. 10. n. 25. Zang. *de except. part. 2. c. 18. num. 5. & seqq.*
Speckhan. *cent. 1. q. 66.* Joh. Graken. *tract. de concurs. &*
cumul. act. & except. class. 1. c. 11.

XXXVI.

Secundo non admittitur cumulatio, cum plures a-
ctiones sic se habent, ut una electa, altera tollatur *l. 9. §. 1.*
ff. de trib. action. quales sunt actio de dolo & actio quod
metus causa, quia utraque est rei persecutoria, hæc enim
actiones ne quidem sub conditione cumulari queunt,
quoniam altera per alteram consumitur *l. 14. §. 13. ff.*
quod met. caus. Sic rei legatæ nomine competunt le-
gatario actio personalis ex testamentis, actio hypothe-
caria & vindictio, si propriam rem testator legavit. Ve-
rum his omnibus actionibus legatarius simul uti non
potest, sed harum una duntaxat contentus esse debet, un-
de & hoc casu cumulatio prohibita est *l. 76. §. pen. ff. de*
legat. 2. Quod si una actio alia non consumatur, uti sit
in

in actionibus pœnalibus, recte sub conditione has actiones cumulari existimo *arg. l. 130. de R. I. Philipp. Decius adh. l.* Quæ regula non tantum procedit, cum electio actionum datur, sed etiam cum actiones sibi invicem sunt contrariæ, quod est contra formam libelli, Dyn. *in c. nullus pluribus de R. I. in 6. n. 26.* Exemplum est in *l. 1. C. de furt. in qual. Impp. Severus & Antoninus rescribunt, actione furti, conditione furtiva & mandati dominum simul agere non posse, sed eligere debere, utrum actione furti, an mandati iudicio experiri velit: quoniam bona fides non patitur, ut dominus & pœnam furti, & pecuniam, quam Titius expendit, & prædia empta consequatur. Etenim omnibus illis actionibus agens, sibi ipsi contrarius est. Nam agendo furti & conditione furtiva, dominus improbat, quod à servis & Titio gestum est: agendo mandati, factum eorundem ratum habet & probat. Sic & petitio hæreditatis & interdictum quod legatorum, inepte cumulantur, qui enim agit petitione hæreditatis, is fatetur adversarium hæreditatem, aut rem hæreditariam vel pro hærede, vel pro possessore possidere *l. 9. ff. de petit. hered.* qui interdicto quorum legatorum experitur, is affirmat, adversarium rem, de qua agitur, non pro possessore aut hærede, sed pro legato possidere. Idem est, si quærela inofficiosi testamenti, & falsi testamenti accusatio cumulentur *l. 14. C. de inoff. testam.* qui enim testamentum inofficiosum esse dicit, is fatetur, testamentum factum esse: qui falsum esse dicit testamentum, reipsa intendit, defunctum nullum testamentum fecisse *l. 221. ff. de V. S.* Hinc est, ut quis non possit simul testamentum dicere non jure perfectum, vel irritum, vel ruptum & inofficiosum *l. 8. §. 12. ff.**

G

de in-

de inoff. testam. l. 16. C. eod. Zang. de except. part. 2. c. 18. n. 10. & seqq. Nec illa duo iudicia rescindens & rescisforium, quæ à nonnullis Dd. perperam fingi solent in uno & eodem libello possunt intentari, quia sunt plane peregrina & priscis Jctis ignota. Cui errori speciem qualem qualem præbuit l. 35. ff. de O. & A. & §. 5. I. de action. Verum loca ista non sic intelligenda sunt, quasi duplici iudicio. hæc res expediatur & decretum aliquod antecedat, quo Prætor rescindat usucapionem, ac tum demum hanc actionem det, qua petatur res restitui: sed ideo dicitur rescissa usucapione hæc actio dari, quia Prætor eam concedendo, vi ipsa simul usucapionem rescindit, dum permittit veteri domino sic agere, ut petat rem sibi à possessore restitui, perinde ac si nulla usucapio intervenisset. Rescissa itaque usucapionis, in ipsa datione actionis consistit, & Prætor dicitur restituere, cum actionem rescissoriam petenti concedit l. 2. §. 1. ff. de cap. demin. l. 6. §. 1. ff. de bonor. poss. l. 19. in fin. ff. de inoff. testam. l. 8. §. pen. ff. eod. Vid. Dn. Ungerpaur. p. m. Exerc. 14. q. 7. Dn. Strauch. Exerc. 3. ad 50. decis. n. 23. & seqq. Schnobel. disp. 4. ad ff. th. 5. Vinn. select. jur. quest. l. 1. c. 10. Joh. Graken. tract. de concurs. & cumul. act. & except. clas. 1. c. 25. n. 2.

XXXVII.

Actiones autem sibi invicem contrariæ possunt esse dupliciter: primo prout sunt contrariæ exercitio, sunt tamen compatibles origine ut est in casu d. l. 1. C. de furt. & sic electione tolluntur: Secundo quando non solum exercitio, sed etiam origine sunt contrariæ, & hoc casu consideratis actionibus, non potest esse locus cumulationi, ratio est, quia hoc casu non potest dici, quod actio.

actiones, quæ sunt contrariæ origine electione tollantur, quia in actiones origine contrarias, non cadit electio, electio enim est inter plura *l. 25. ff. quando dies leg. ced.* Sed quando actiones sunt contrariæ invicem ratione originis, non potest dici, quod hic sit aliqua electio, quia hoc casu unica tantum actio oritur. vid. Joh. de Vi-comercato. *in repetit. l. 3. C. de edend. n. 123.* Joh. Francisc. Purpurat. *ibid. n. 103.* add. Card. Tusch. *pract. concl. 1095. lit. C.* Petr. Frid. Mindan. *de contin. caus. lib. 3. c. 10. n. 3. & seqq.* Pract. Johan. Petri de Ferrar. *inform. libell. act. real. verb. salvo jure addendi pag. 85. n. 9. & seqq.* Schneid, §. *siminus. n. 10. & seqq. l. de action.* Dn. Carpzov. *proc. jur. t. 6. n. 1. n. 80. & seqq.*

XXXIIX.

Solent etiam Dd. dictis illis regulis & hanc addere: quando plurium actionum intentandarum una est major altera, quia eo casu ratione majoritatis, non admittit secum alias actiones, & per consequens cumulatio non est permessa *l. fin. C. de ordin. judic. l. 54. ff. de judic.* quod quatuor modis fieri potest. 1. ratione autoritatis: sic tu agis mecum de domo, quam dicis ad te pertinere ratione legati, cum alius pendente judicio, movit mihi questionem totius hereditatis, dicens, quod illa hereditas ad ipsum pertineat, & hoc casu ratione autoritatis prima causa mora ex legato tamdiu suspenditur, donec sit cognitum de majori, hoc est de tota hereditate *l. 7. ff. de petit. hered. l. fin. C. cod.* 2. dici potest quod una causa sit major, ratione præjudicialitatis (ut ita loquar) ut puta si ego te accuso de aliquo crimine, & tu excipis me esse servum, prius de statu ipsius accusantis, quam de ipsa accusatione cognoscitur, quia si verum esset, præjudicaretur

accusationi *l. 26. C. ad L. Jul. de adulter.* 3. dici potest, quod una causa major sit ratione majoris præjudicii, ut tu agis mecum in causa libertatis, asserens me tuum esse fervum, alius comparet in judicio, contendens me ei debere centum, actio illa de pecunia removetur & agitur prius de liberali causa, quia est majoris præjudicii *l. 24. ff. de liberal. caus.* 4. Una causa major est altera, ratione poenæ: sic ego ago contra te ad fundum vel ad decem, tu me reconvenis criminaliter, nam quia in crimine poena inferenda, supersederetur in prima causa, & agitur in ipsa causa reconventionis, donec de ea sit cognitum, eo quia est poenalis, ideo tanquam major trahit ad se minorem causam *l. fin. C. de ordin. judic. vid. Joh. de Vicomercat. in repetit. l. 3. C. de edend. n. 125.* Atque hæc de Concur-
su Actionum pro nostro instituto & ratione temporis dixisse sufficiant. Sit itaque S. D. G. erratis venia.

Πάρεργα,

I.

Male notatur Ulpianus à quibusdā, quasi in *l. 3. §. ult. ff. de Decurion.* Christianorum religionem Judaicam superstitionem vocaret, & in *l. 1. §. 3. ff. de extraordin. cognition.* Christianos impostores esse dixerit.

II.

Leges Romanæ non opinione, sed certa ratione nituntur, nec apud Romanos, ex errore communi jura aliquanata sunt.

III.

Jus Romanum publica authoritate Imperatoria receptum, habet adhuc vim legis in Germania.

IV. Tor.

IV.

Tormentorum usus, jure Romano receptus, justissimus est.

V.

Datur ratio dubitandi *l. 6. ff. de his qui sunt sui vel alieni jur.* scil. an marito per decennium absente & reverso, anniculum domi reperiente, hic infans, ipsius filius habendus sit.

VI.

Carcer de Jure Civili poena non est.

VII.

Testamentum inter liberos imperfectum servari debet, etiamsi non solum solennia desint, sed voluntas quoque imperfecta sit.

IX.

Absurda est eorum opinio, qui statunt, quod ex sententia Justiniani, secundum *l. 45. C. de Episcop. & Cleric. & Novell. 83. c. 1.* in determinandis causis, primo juris Canonici, deinde Civilis ratio haberi debeat.

IX.

Recte etiam ab interlocutoria sententia appellari potest.

X.

In pretio emtionis, naturaliter licet contrahentibus se circumvenire.

XI.

Convicianti non licet iterum conviciari.

XII.

Liberi non solum nati, sed etiam posthumi seu nascituri exheredari possunt.

XIII.

Jure Divino, Naturali & Civili foeminae sunt Regni capaces.

Sol



S O denn der am Saalen/Strande
Welt-berühmte Zynthius/
Pindt hler im Ober Lande
mehr als treuer Genius/
Euch mein Freund mit Nectar trändeln
Und Eur Lob der Nachwelt schencken?
War die an der Elmen Spitzen
auch berühmte Musen-schaar/
Da die Kastalimen sitzen
und das fromme Parcen Paar/
nicht genug den Preis zu geben
Euch gebührt der Lorbeer-Rebene
Ja, Sie könnt' und wolt Euch schen
in den längst verdienten Standt/
Dem kein Eucels gleich zu schätzen/
hat Euch würdig gnugert Lande
Euer Håltpt mit Ruhm zu kränzen/
noch fast in der Jugend Lenzen.
War doch die so außerköhren
vormahls Mars der grosse Held/
Die aus Jovis Hirn gebohren
in die Kugel-runde Welt/
stets bereit auch dort zu reichen
was Ihr selbst Euch könnt vergleichen;
Daf auch Rumor sich geschwungen
fast schon an der Musen Schloß/
rühmend wies Euch sey gelungen
daf ihr auff dem Flügel-Roß
wolt

wolt' in dem die Palmen langem
und zum grossen Lohn empfangen.

Doch hier solt' ihr Ampt verrichten

Thespia ans Himmels Saal/

Euren Ruhm vorher zu tichten/

gieng drauff an das Sternen-Thal/

wolt Prometheus Thier nicht laden.

zwang es diese Welt zu meiden;

Willst bald hinunter gehen

nach der schwarzen Unter-Welt:

blieb nur noch mit anzusehen

wie Euch Thetis Bund gefällt/

Als sie Pindum wolt' ersteigen

umb der Musen Ruhm zu beugen.

Grosser Freund so hörrn willig

wie der Saalen Musen-Schaar:

saget/ Euch gebühre billich

daß das edle Götter-Paar

der Latenz Krank hergebe/

und Eur Nabine ewig lebe.

Weil des Helikonis Spiken

längst erreichte Eur grosser Fleiß//

Euer lang und stetes Sizen/

offt vergosner saurer Schweiß/

eine Zierde Eurer Jugend/

als ein Zeugniß wahrer Tugend;

Denn Ihr habt den Weg erstiegen.

der Euch leitet Himmel-an/

von der Thetis anzufliegen.

an die zwey-gestirnte Bahn/

Da Eur Lob wird ewig leben.

und Euch Tychen Gunst umgeben.

Drumb

Drumb Frau Jama sitzt zu Wagen
 führt Euch zu Trebonian
 wil Eur Lob den Sternen sagen
 dort wo sitzt Ulpian/
 Das Eur Mahime nicht kan sterben
 Eur Lob keine Zeit verderben.
 Ich der Euch zu Dienst verbunden
 wünsche das die neue Ehr
 Euch vergrößre alle Stunden
 sich vermehre mehr und mehr/
 Das Euch nichts als Glück begegnet/
 Eur Thun ewig Gott besegnet.
 Misset Nestors Jahr erreichen/
 mehr als in vergnügter Zeit/
 Eur Ruhm sey nicht zu vergleichen/
 als nur mit der Ewigkeit/
 Die Eur Lob nicht kan verschweigen/
 bis der Himmel sich wird beugen.

Hiermit hat dem Herrn Doctorando, als seinem hochge-
 ehrten Freunde und Gönner/auch gewesenem Herrn
 Tischburgen zu Helmstädt zu contestirunge unüber-
 heblicher Schuldigkeit in Eile antworten wollen

Stats Victor von Mandelslof.

F I N I S.

